

Тавхид ва иймон 06

«Мухтасар ал-Фикҳ ал-Исламий» китобидан иқтибос

[Ўзбекча – Uzbek – الأوزبکي]

Муҳаммад ибн Иброҳим ат-Тувайжирӣ

Таржимон: Абдуллоҳ Солиҳ Насафий

Муҳаррир: Абу Абдуллоҳ Шоший

2014 - 1435

IslamHouse.com

التوحيد والإيمان 06

مقالة مقتبسة من كتاب مختصر الفقه الإسلامي
« باللغة الأوزبكية »

محمد بن إبراهيم التويجري

مترجم: عبد الله صالح النسفي

مراجعة: أبو عبد الله الشاشي

2014 - 1435

IslamHouse.com

Набий ва Расулларнинг хусусиятлари

Оллоҳнинг Набий ва Расуллари инсонлар-нинг ичида энг қалблари пок, ақллари ўткир, иймонларида содик, ахлоқлари гўзал, динлари комил, ибодатда мустаҳкам, жисмда комил ва қўринишлари энг гўзал кишилардир. Оллоҳ таоло уларни баъзи хусусиятлар билан хослагандир:

1. Оллоҳ уларни Ўз ваҳийси ва рисоласи учун танлаб олди.

“Оллоҳ фаришталардан ҳам элчилар танлар, инсонлардан ҳам. Дарҳақиқат Оллоҳ эшитгувчи, кўргувчикидир” (Ҳаж: 75).

“(Эй Муҳаммад, Уларга) айтинг: «Ҳеч шакшубҳа йўқки, мен ҳам сизлар каби бир одамдирман. Менга Тангрингиз ёлғиз Оллоҳ-нинг Ўзи экани ваҳий этилмокда. Бас, ким Парвардигорига рўбарў бўлишидан умидвор бўлса, у ҳолда яхши амал қиласин ва Парвардигорига бандалик қилишда бирон кимсани (унга) шерик қиласин! (Яъни, қиладиган

барча амалларини ёлғиз Оллоҳ учун қилсін)» (Кахф: 110).

2. Пайғамбарлар инсонларга динни етка-зишда катта хатолардан маъсумдирлар (яъни холидирлар). Агар бирор хатога йўл қўйсалар, Оллоҳ дарҳол уларни ҳаққа қайтаради.

“Ботиб кетаётган юлдузга қасамки, сизларнинг соҳибингиз (яъни Мұхаммад) залолатга ҳам кетгани йўқ, йўлдан ҳам озгани йўқ! Ва у (сизларга келтираётган Қуръонни) ўз ҳавоий-ҳоҳиши билан сўзламас. У (Қуръон) факат (Оллоҳ томонидан пайғам-барга) ваҳий қилинаётган (туширилаётган) бир ваҳийдир. Унга (бу ваҳийни) бир кучга тўлган, соҳиби қудрат (яъни Жаброил алайҳис-салом) таълим бермишдир” (Нажм: 1-5).

3. Улар вафотларидан кейин молу дунёни мерос қилиб қолдирмайдилар.

Оиша разияллоҳу анҳодан ривоят қилин-ған ҳадисда Расулуллоҳ соллаллоҳу алайҳи ва саллам шундай дейдилар: “*Биз пайғамбарлар мерос*

қолдирмаймиз, биздан қолган нарсанинг барчаси садақадир” (Муттафақун алайҳи).¹

4. Пайғамбарларнинг кўзлари ухлайди, қалблари эса ухламайди. Анас разияллоҳу анҳу-дан ривоят қилинган “Исро” қиссасида шундай дейдилар: “Расулуллоҳ соллаллоҳу алайҳи ва салламнинг кўзлари уйқуда ва қалблари уйгоқ эди. Шунингдек, пайғамбарларнинг ҳаммасининг кўзлари ухлайди, қалблари ухламайди” (Бухо-рий).²

5. Оллоҳ таоло Пайғамбарларга ўлим вақтида ҳаётда тирик қолиш билан вафот қилиб охират ҳовлисига кўчиб ўтишнинг ўртасида ихтиёр беради. Оиша разияллоҳу анҳо шундай дейдилар: “Расулуллоҳ соллаллоҳу алайҳи ва саллам шундай деганларини эшиздим: “Қайси бир пайғамбар бўлмасин, албатта (ўлим хастаси билан) хасталангандা Оллоҳ таоло унга дунё билан охиратни (танлаш) ўртасида ихтиёр беради” (Муттафақун алайҳи).³

¹ Бухорий 6730, Муслим 1757.

² Бухорий 3570.

³ Бухорий 4586, Муслим 2444.

6. Пайғамбарлар вафот қилған жойларига дағн
қилинадилар.

Абу Бакр разияллоху анхұ айтадилар:
“Расулуллоҳ соллаллоҳу алайҳи ва саллам шундай
деганларини әшитдим: “*Пайғамбарлар вафот әтган
ерларигагина дағн қилинадилар*” (Имом Аҳмад).¹

7. Пайғамбарлар тирикдиrlар, улар қабр-
ларида намоз ўқиган ҳолларида турадилар. Анас
разияллоху анхудан ривоят қилинган ҳадисда
Расулуллоҳ соллаллоҳу алайҳи ва саллам шундай
дейдилар: “*Пайғамбарлар тирикдиrlар, улар
қабрларида намоз ўқиган ҳолларида туради-лар*”
(Абу Яъло).²

Анас разияллоху анхудан ривоят қилин-ған
ҳадисда Расулуллоҳ соллаллоҳу алайҳи ва саллам
шундай дейдилар: “*Исрога күтарилған кечада қызил
құмтепанинг ёнида Мусонинг ёнидан ўтдим, Мусо
қабрида намоз ўқиб турған әди*” (Мұслим).³

¹ Саҳиҳ ҳадис. Аҳмад 27.

² Абу Яъло 3425. Силсилатус-саҳиҳа 621.

³ Мұслим 2375.

8. Пайғамбарларнинг аҳли аёлларини улардан кейин бошқалар никоҳига олиши мумкин эмасдир. “Эй мўминлар, пайғамбар-нинг уйларига фақат сизларни бирон таомга чақирилсагина киринглар. (Ўшанда ҳам) унинг пишишига кўз тутиб тургувчи бўлманглар, балки чақирилган пайтингизда кириб, таомлангач тарқалинглар ва бирон гапга берилган ҳолингизда (у ерда қолиб кетманглар)! Чунки бу (ишларингиз) пайғам-барга озор берур, у эса сизлардан (яъни сизларни чиқариб юборишдан) тортинар. Оллоҳ ҳақни (айтишдан) тортинмас. Қачон сизлар (пайғамбар аёлларидан бирон нарса сўрасангизлар) парда ортида туриб сўранглар! Мана шу сизларнинг дилларингизни ҳам, уларнинг дилларини ҳам тоза тутгувчи-роқдир. Сизлар учун Оллоҳнинг пайғам-барига озор бериш ва унинг ортидан аёлла-рига уйланишингиз ҳеч қачон дуруст эмас-дир. Чунки бу (ишларингиз) Оллоҳ наздида улуғ (гуноҳ) бўлган ишдир” (Аҳзоб: 53).

Набий ва Расулларга иймон келтиришнинг хукми

Набий ва расулларнинг барчасига иймон келтириш вожибdir. Кимки уларнинг бирини инкор қилса, ҳаммасини инкор қилган бўлади. Улардан ривоят қилинган хабарларнинг саҳиҳ-ларини тасдиқ қилмоқ вожибdir. Бизга юборил-ган Пайғамбарнинг шариатига эргашиш ва амал қилиш вожибdir. У расул ва набийларнинг хотами (тутатгувчиси) ва инсонларнинг ҳамма-сига элчи қилиб юборилгандир.

“Эй мўминлар, Оллоҳга, унинг пайғамбариға ва шу пайғамбариға нозил қилган Китобига ҳамда илгари нозил бўлган Китобларига иймонингиз комил бўлсин. Кимки Оллоҳга, фаришталарга, китобларига, пайғамбарларига ва охират кунига ишонмаса, демак, у жуда қаттиқ адашибди” (Нисо: 136).

Набий ва Расулларнинг бир-биридан афзалликлари

Пайғамбарлар Оллоҳ тарафидан берилган хислатларда, оят ва мўъжизаларда бир-бирларидан афзалдирлар. Уларнинг баъзилари расуллар,

баъзилари набийлар, баъзилари буюк сабр ва матонат эгалари, баъзиларини Оллоҳ Ўзига халил қилган, баъзиларига эса гапирган. Улар шунга ўхшаган фазилатлар билан бир-бирларидан афзал қилинган. Уларнинг энг афзали Одам авлодининг саййиди, Мұхаммад соллаллоҳу алайҳи ва салламдир.

“Ўша пайғамбарларнинг айримларини айримларидан афзал қилдик. Уларнинг ораларида Оллоҳ (бевосита) сўзлаган зотлар бор. Ва (уларнинг) айримларини (Оллоҳ) юксак даражаларга кўтарди. Ийсо бинни Марямга ҳужжатлар бердик ва уни Руҳул-қудс (Жаброил) билан қувватлантирилди. Агар Оллоҳ хоҳлаганда у пайғамбарлардан кейин ўтган одамлар ҳужжатлар келганидан кейин уришишмаган бўлардилар. Аммо улар ихти-лоф қилдилар. Бас, уларнинг орасида мўмин-лар ҳам бор, кофирлар ҳам. Агар Оллоҳ хоҳ-лаганда уришишмаган бўлардилар, лекин Оллоҳ Ўзи хоҳлаган ишини қиласди” (Бақара: 253).

“Парвардигорингиз осмонлар ва ердаги бор жонзотни жуда яхши билур. Ҳақиқатан, Биз айрим пайғамбарларни айримларидан устун қилдик. Биз Довудга Забурни ато этдик” (Исрө: 55).

**“Ҳақиқий мусулмон бўлган ҳолида ўзини
Оллоҳга топширган ва ҳақ йўлдаги Иброҳимнинг
динига эргашган кишининг динидан ҳам гўзалроқ
дин борми?! (Ахир) Иброҳимни Оллоҳ Ўзига дўст
тутган” (Нисо: 125).**

Абу Хурайра разияллоҳу анҳу ривоят қилган ҳадисда Расулуллоҳ соллаллоҳу алайҳи ва саллам шундай дейдилар: “*Боишқа пайғамбар-лардан олти нарса билан афзал қилиндим, менга жавомиъул-калим (қисқа ибора билан кенг маъ-нони ифодалаши) берилди, душманнинг қалбига туширилган қўрқув билан нусратландим, менга (урушдан тушган) ғаниматлар ҳалол қилинди, менга ер юзи тоҳур (сув топилмагандага таяммум билан покланмоқ) ва масжид қилинди, (истаган ерда намоз ўқиши мумкин, олдинги пайғамбар-ларга ибодатхоналардан боишқа ерда намоз ўқиши мумкин эмас эди), одамларнинг ҳаммасига пайғамбар қилиб юборилдим (олдинги пайғамбарлар ўз қавмларига хос қилиб юборилган эдилар) ва мен билан пайғамбарлик тугатилди*” (Муслим).¹

¹ Муслим 523.

Абу Саид разияллоҳу анху ривоят қилган ҳадисда Расулуллоҳ соллаллоҳу алайҳи ва саллам шундай дейдилар: “*Пайғамбарларнинг ўртасида таъассуб қилиб, бирини биридан афзал деманглар. Қиёмат кунида барча инсонларнинг жони олинади, энг аввал ер ёрилиб, қабридан чиққан инсон мен бўламан. Тўсатдан кўзим Мусога тушади, у кишини Арининг устунини ушлаб турган ҳолида кўраман. Мен билмайман, қиёмат куни бошқа инсонларнинг жони олинганда, у кишиники ҳам олинганми ёки у кишининг тозда беҳуши бўлиб йиқилганлари биринчи соъқа¹ ҳисобига ўтганми?*”² (Муттафақун алайҳи).³

Мутаржимдан шарҳ: “Бу ҳадиснинг ворид бўлиш сабаби: Саҳиҳ Бухорийда 1822-рақам билан ривоят қилинган ҳадисда Абу Саид Ал-Худрий разияллоҳу анху ривоят қиласи: “Расулуллоҳ соллаллоҳу алайҳи ва саллам ўтирган эдилар, бир

¹ (Мутаржимдан шарҳ) Соъқанинг икки маъноси бор: 1- чақмоқнинг чақиши. 2- хушсиз ёки жонсиз ҳолида йиқилмоқ.

² (Мутаржимдан шарҳ) Ҳар бир инсон учун икки соъқа бўлади: биринчисида жони олинади, иккинчисида қайта тирилади. Бир соъқа Мусо алайҳиссаломга тозда бўлган эди. Агар шу соъқа Мусо алайҳиссалом учун биринчиси ҳиобланган бўлса, қиёматда инсонлар учун бўлган биринчи соъқа, Мусо алайҳиссалом учун иккинчиси ҳисобланиши керак.

³ Бухорий 2412, Муслим 2374.

яҳудий келиб: “Эй Абул-Қосим! Саҳобаларингиздан бири юзимга урди”, деди. Расулуллоҳ соллаллоҳу алайҳи ва саллам: “Ким у? дедилар. “Ансорлардан бири”, деди. Расулуллоҳ соллаллоҳу алайҳи ва саллам: “Менинг ёнимга чақиринг уни” дедилар. Анзорий келди. Яҳудийни урдингми? Бозорда “Мусони бутун башариятнинг устидан пайғам-бар қилиб танлаган зотга қасам” деб қасам ичаётганини эшитдим ва унга жавобан: Эй хобис, Мусони Мұхаммад соллаллоҳу алайҳи ва салламнинг устиларидан ҳам пайғамбар қилиб танлаган деяпсанми?” деб ғазаб билан юзига урдим. Расулуллоҳ соллаллоҳу алайҳи ва саллам дедилар: “Пайғамбарларнинг ўртасида таъассуб қилиб, бирини биридан афзал деманглар!”. Бошқа ривоятда: “Мени Мусодан афзал деманглар!” дейилади.

Расул ва Набийларга иймон келтиришнинг самараси

Оллоҳнинг бандаларига бўлган раҳмати-ни ва уларга пайғамбарлар юбориш орқали қилган иноятини билмоқлиқидир.